



Universitätsbibliothek Paderborn

Decisiones Practicæ Casuum Conscientiæ Selectorum In Praxi, Et Foro Interno Quotidie Occurrentium, Omnibusque, Præsertim Ecclesiasticis, Qui Sui, Et Aliorum Curam Gerunt, Perutilium, Resolutorum

Pars Altera Decisionum Practicarum Casuum Conscientiæ Selectorum In
Praxi, Et Foro Interno Quotidie Occurrentium, Omnibusque, Præsertim
Ecclesiasticis, Qui Sui, Et Aliorum Curam Gerunt, Perutilium, Resolutorum

Leonardelli, Bonaventura

Augustæ Vindelicorum ; Græcii, 1739

Q. 4. An ad assistendum matrimonio, sufficient qualescumque testes, & an
valeat matrimonium contractum coram Parocho, & testibus vi, aut dolo
detentis & invitis?

urn:nbn:de:hbz:466:1-41144

missio dotis metu extortæ valore destituuntur ex juris dispositione; non autem jure expressum habetur, quod talis assistendi licentia irrita sit, & valore destituta, nec per hoc, quod ad matrimonium referatur, tollitur, vel imminuitur libertas ipsius matrimonii taliter coram Parocho, & testibus contracti.

Ad 1. Rationem ait citt. Sanch. n. 13. verius esse jurisdictionem metu extortam validè transferri, quod ipsum docet Card. c. 2. de his, quæ vi, n. un. vers. quintus Cas. & C. licet. q. 31. de elect. Sed esto, jurisdictionis prorogatio metu extorta invalida sit, is casus est specialis, exceptus à regula generali docente metu gesta tenere, atque adeò ejus nullitas absque alio textu extendi non debet ad licentiae concessionem contra regulam generalem, nec talis concessio actus jurisdictionis est, neque per eam jurisdictione aliqua transfertur, ut probat Sanch. l. 3. D. 21. n. 7.

460 Ad 4. Q. Supponendum est, ad valorem matrimonii necessariam esse præsentiam Parochi, ac testium non tantum physicam, seu corpoream, sed præsentiam moralē, & humanam, ita scilicet, ut usum habeant rationis, advertant, quid agatur, & utriusque contrahentis consensum intelligent; quia ideo postulat Tridenti-

num præsentiam Parochi, ac testium, ut constet Ecclesiæ de matrimonio contracto, & de eo authenticè testari possint; ne quis vivente adhuc prima uxore, secundam ducat: atqui si non advertant, & intelligent, quid agatur, nequeunt authenticè testari, nec potest Ecclesiæ constare de matrimonio legitimè contracto; nec censentur moraliter præsentes fuisse, etiam juxta l.c, Coram Titio, ff. ds Verb. signif. ergo. An autem quorumcumque testium præalentia sufficiat, anue testes requirantur omni exceptione maiores, id est, tales, qui nullum patientur vitium, propter quod jure repellantur à testimonio dicendo? non convenit inter DD. Covar. 4. decret. 2. p. c. 8. §. 12. Ant. Gabr. t. 3. comm. l. 1. tr. de test. concl. 8. n. 3. Mascar. de prob. concl. 1366. n. 4. Franc. Molinæus de rit. nupt. aliique Neoterici requirunt testes legitos, & omni exceptione maiores, quod probant. I. Quia in causa matrimoniali, utpote gravissima, & ardua, non quibuslibet testibus est fides adhibenda, sed circumspectis, omnique exceptione majoribus, c. 1. de consang. vers. Nunc quæstio, ubi, si per testes circumspectos omni exceptione maiores inveneris: ergo cum Tridentinum exigat testes, ut per illos probari possit matrimonium, intelligendum est de testibus legitimis, qui secundum jus fidem faciunt; ideo enim exigit duos, vel tres testes, ut ma-

Rrr 3 trimo-

trimonium non sit clandestinum, ut autem tale non sit, requiritur, ut habeatur legitima illius probatio, quia matrimonium, cuius legitima probatio non habetur, pro Clandestino reputatur, *C. quod nobis 2. h. tit. 2.* Quia ratio, quam assignat Tridentinum, irritandi matrimonia Clandestina, est, ne quis publicè possit inire secundum matrimonium, eo, quod primum clam contractum probari non possit: atqui hoc inconveniens non evitaretur, si sufficerent testes, qui ob aliquod vitium à testimonio repelluntur, & quibus in foro externo fides adhibenda non est, cùm adhuc improbabile maneat primum matrimonium ob testium defectum. 3. Ad probandum matrimonium antiquo jure, *C. super eo 2.2. de test. & atest.* requirebantur testes non qualescunque, sed integri, & omni exceptione majores, & quorum fides erat suspecta repellebantur: ergo etiam jure novo testes à Tridentino requisiti debent esse legitimi, & omni exceptione majores, quia cùm correctio jurium sit vitanda, *I. Principius C. de appellat.* novum jus, dum aliud non exprimit, interpretandum est secundum jus antiquum. Nihilominus

461 Dicendum est, in testibus ad assistendum matrimonii non requiri speciale aliquam qualitatem, sed sufficere quoscunque testes rationis compotes, etiam impuberis, servos, foeminas, confan-

guineos, Religiosos, excommunicatos, infames &c. Ita communis DD. cum Sanch. *l. 3. D. 41. n. 5.* Palao *tr. 23. D. 2. p. 13. §. 13.* Coninck *D. 27. n. 41.* Barbos de effis. Episc. alleg. *32. n. 138.* Perez *D. 41. Sctt. 9. n. 5.* Laym. *l. 5. tr. 10. p. 2. t. 4.* Rodriq. Petr. Le-desm. Gonzal. Schmier. Wißtn. Schmalzgr. aliisque. Ratio est 1. Quia Tridentinum, dum exigit duorum, vel trium testium præsentiam, nullam facit [mentionem de testium qualitate; ergo signum est, quod nullam qualitatem in testibus exigit, præter eam, quæ de jure naturæ est necessaria, quo jure nemo usum rationis habens repellitur à testimonio dicendo, alias, si Trid. qualitatem aliquam postulasset, illius mentionem fecisset, sicut fecit *C. cùm esses, de testam.* Ubi ultra Parochum volens adesse duos vel 3. testes legitimos, & idoneos, id exprelit hisce verbis: *Coram Presbytero, & tribus, aut duabus aliis personis idoneis.* Quod

Confirmatur ex eo, quod decreto Tridentini, exigentis præsentiam dictorum testium sit Corrætorium juris naturalis, & Ecclesiastici antiqui, quo nullus requireretur testis, sed valebant matrimonia Clandestina: ergo, tanquam odiosum, restringendum est, & intelligendum de quibuscunque testibus prout ejus verba sonant, quæ nullam specialem qualitatem expriment.

P. 2.

P. 2. Quia testes etiam minus habiles, & illegitimi faciunt sufficiem fidem, nec repelluntur, quando communis partium consensu adhibentur, ut cum Gloss. Auth. de testib. §. & licet verb. l. & suppliciis tradunt Bald in l. 6. c. de testib. n. 1. Ant. Gabr. tit. de testib. concl. 10. n. 50. Jafon. l. 1. §. fin. n. 9. ff. de V. O. Sanch. l. c. & alii: atqui in matrimonio adhibentur testes communis contrahentium consensu: ergo sufficiunt quicunque; præsertim cum causa matrimonii sit favorabilis, C. fin. de sent. & re judic. & c. directa 39. de Appellat. & in causis favorabilibus admittantur ad probandum etiam testes, qui alias non sunt idonei, & habiles, arg. C. in fidei 6. de Hæret. in 6. 3. Quia testes minus habiles admittuntur, quando concurrunt cum alio habili & omni exceptione majore; tunc enim excessus, & habilitas unius supplet inhabilitatem alterius, ut multis civitatis testantur Ant. Gabr. l. c. concl. 5. n. 1. & seq. Mascar. de probat. concl. 1365. n. 13. apud Sanch l. c. Atqui in posito casu cum reliquis testibus concurrit Parochus, cuius autoritati multum tribuitur citt. c. *Cum esses.* & cuius habilitas ob dignitatem personæ excellens est, quique quantum matrimonium cum nominibus testium refert in Librum ad id destinatum, ut præcipit Trid. fidem

plenam facit instar Notarii publici: ergo. Unde

Ad argumenta in contrarium proposita R. Ad. 1. textum illum agere, quando tractatur de matrimonio dissolvendo propter impedimentum, cuius longè alia est ratio, quam contractus matrimonialis; dissolutio enim matrimonii cedit in gravissimum præjudicium conjugis, & ipsius Sacramenti, & id circò ad impedimentum probandum non sufficiunt qualescumque testes, sed requiruntur omni exceptione maiores, sicut in causis criminalibus; contrà vero contractus matrimonii, ejusque probatio est favorabilis; in causa autem favorabili admittuntur testes etiam non idonei, ut supra dictum est. Demum esto, etiam testes idonei requirantur, id tamen intelligi debet, nisi vitium testium aliunde suppleatur: hic autem suppletur Parochi præsentia, qui testis est plusquam habilis, & qualificatus, & quia communis contrahentium consensu adhibentur, quæ duo supplant testium defectum. Pariter quod in causa ardua non sufficiunt qualescumque testes, intelligendum est, nisi ea sit favorabilis, & vitium testium aliundè suppleatur.

Ad 2. N. min. quod sequatur idem inconveniens, quia ad probandum prius matrimonium contractum

tractum esse, sufficiunt in hoc casu etiam illi testes inhabiles, nisique fides adhibetur ob rationes suprà insinuatas.

Ad 3. Conseq. transmitti possunt tunc, quando jus novum loquitur in eodem casu juris antiqui, quod hic non contingit, quia jus antiquum loquitur in casu, in quo non suppletur inhabilitas testium per aliquid aliud; Tridentinum autem loquitur in casu, in quo vitium testium suppletur Parochi praesentiâ. Dein ex citt. C. super eo &c. potius colligitur ad probationem matrimonii non requiri testes omni exceptione majores; nam licet mater ibi repellatur à dicendo testimonio, admittitur tamen contestis fæmina, quamvis non sit omni exceptione major juxta C. forus 10. fin. de V. 8. Cur autem mater tuerit ibi repulsa, causa erat, quod ejus fides esset valde suspecta ob emolumentum divitiarum, & honorem filiæ suæ ex matrimonio cum Viro nobili, & divite provenientem, quem cum filia per verba de præsenti contraxisse testari volebat. Quamvis ergo jure antiquo ad dissolvendum matrimonium desiderati fuerint testes omni exceptione majores, citt. C. 1. de Consang. ad probandum tamen illud esse contractum, non exigebantur; Nec jus antiquum irritabat ma-

trimonium absque testibus contractum, sicut tamen irritat Tridentinum: Unde cum rigidius sit hujus decretum, & in damnum matrimonii, Strictius est intellegendum juxta tenorem verborum, ut suprà dictum est.

Ad 2. Membrum Q. 4. Communis DD. sententia cum citatis suprà AA. aliisque compluribus contra Seguram p. 2. Direct. Jud. c. 15. n. 588. & non nullos alios, tenet valere matrimonium, quamvis Parochus, & testes dolo, vel vi detenti interficiant, dummodo intelligent consensum contrahentium, & advertant, quid agatur, cui sententiae suffragatur multiplex Declaratio Congreg. Cardin. apud Farin. pag. 268. inter quas est etiam haec: *An vero si invitatus, & compulsus adsit Parochus - - - tale matrimonium subsistat?* Congregatio respondit: *subsistere.* Quod ipsum inquit etiam l. Coram Titio 209. ff. de verb. ob. ubi scire autem, non etiam velle is debet, nam etiam eo invito recte fit. Et ratio ulterior est, quia etiam per talen Parochi, & testium praesentiam impletur præceptum Tridentini, quod aliud non præcipit, quam ut matrimonium celebretur coram Parochio, & testibus, & intuper obtinetur finis à Trid. intentus, & ex ejus præfatione collectus. Quia sive sponte sive inviti interficiant, modo advertant, & intelligent,

Gant, quid inter sponsos agatur, testari jam possunt de contracto matrimonio, ut de eo inito satis Ecclesiae constare possit, ne, illo spreto, aliud iniri possit. Accedit Curiarum praxis pro ratis habentium matrimonia taliter contracta. Unde

Infertur cum citt. Sanch. n. 11. & aliis validum esse matrimonium contractum coram Parrocho, & testibus casu transeuntibus, quia cum etiam tunc advertant, quid agatur, verè praesentes dicuntur, cum praesentia ad valorem matrimonii requisita, contenta sit sola advertentiā intellectus, sine actu voluntatis, seu consensu, prout tamen volunt Adversarii; nam sola intellectus advertentiā habitā, jam sufficienter testari possunt de contractu matrimoniali, etsi inviti interficiunt.

Notant tamen hic Sanch. l. c. n. 12. Coninck l. c. n. 45. Palaio. n. 11, cum aliis pluribus matrimonium contractum coram Parrocho dolo, vel vi detento, illicitum esse, & taliter contrahentes graviter peccare; tum ratione injuria, quam inferunt Parrocho; tum ratione contemptus Ecclesiae, cuius auctoritate non contrahitur; De testibus tamen aliter sentit citt. Sanch. putans, contrahentes coram illis vi detentis peccare quidem venialiter, eō quod non servetur reverentia debita Sacramento, non tamen lethaliter, nisi fors injuria sit gravis; quia ipsi non gerunt vices Ecclesiae, auctoritatem praestando ipsius nomine, sicut praestat Parochus, sed solum testium ministerium obeunt, quod aequè praestare possunt vi detenti, aut casu transcurrentes.



R. P. Leonardelli Soc. Iesu.

Sss

CA-